

FOURTH MIZORAM LEGISLATIVE ASSEMBLY
(NINTH SESSION)

BULLETIN PART-II

No. 122

Wednesday, April 4, 2001.

Directions by the Speaker

Short Duration Discussion hi vantlang tana thil hmanhmawh leh pawimawh bik a awmin member-ten House-ah sawichhuahna hun reilote chhung atan hman theih a ni. Amaherawhchu he sawihonaah hian thutlukna siam a ni ngai lova, Budget Session lai pheih chuan member-ten hun rem chang dang an ngah avangin admit ngai a ni zen zen lo a ni.

Ni 29, March, 2001 a Short Duration Discussion neih tum khan dan ang taka sawiho duhtawk mai lova, a hnu a member thenkhat khawsak zui dam chuan Hon.Speaker rilru a tina takzet a, House kaihruaina dan zah lova mahni seat kalsana, Opposition member panga lain Speaker mike kuai thlu a House kaihruai thei lova siam leh member dangte mike tihbuai sak avanga inpawngnekna he House zahawm taka a lo thleng ta hial khan, kan House chhunga membete chet dan mawi kan lo chuan em em thin chu a ti bawrbang ta a ni. Hei hi Hon.Speaker chuan pawl a ti takzet a ni.

Dan khauh zawka lekkawh ngailo leh he House zahawmna vawnhim zel a nih theih nan Hon.Speaker chuan member tin te mahni invawng theuh turin a duh a; kha thil duhawmlo tak thleng kha a tawpna ni thei hram se tih hi ngenne a ni e.

T.SAIKUNGA
Secretary